

# Maletgs da different stil

Il Bistro a Glion presenta in giuven artist

■ (anr/hh) Il zercladur muossa il **Bistro a Glion plirs maletgs digl artist Sandro Duque. Dapi 15 onns experimentescha el cun differents materials. Il resultat ein maletgs da different stil.** *Sandro Duque* ei naschius a Mosambique, ei denton carschius si el Portugal. Leu ha el buca mo visitau las scolas ordinarias, mo-bein era duront quater onns ina scola d'art. Gia duront quei temps ha el musau publicamein entginas da sias ovras. Dapi 1993 lavura el sco artist sur sesez ed en quels onns ha el exponiu en differents loghens dil Portugal. El ei denton era s'engaschus sco organisatur d'exposiziuns e da luvratoris d'art per giuvenetegna. Ils davos tschun onns ein sias lavurs era stadas da veser ell'Ungaria ed en Svizra. Aschia ha el era exponiu egl Info Center Surselva a Glion. Egl emprem marcau spel Rein ei el denton era sepurschius d'organisar luvratoris da dessignar e zambergiar per la giuvenetegna. Uonn ei el era staus participaus vid l'avertura dil luvratori da giuvenetegna a Glion. 1997 ei Sandro Duque vegnius honoraus cun il premi da cultura «Prémio de pintura e escultura d. Fernando II». Il premi ha el obteniu per sia lavur intitulada cun «Trabalho de gaveta».

## Differentas tecnicas

Las ovras da Sandro Duque selaian buc ordinar en ina direenziun da stil specifica. Dapi varga 15 onns experimentescha el cun differents materials sco per exempel acril, ieli ni aquarel. Cheutras sedattan era interessantas mischeidas dallas differentas tecnicas. El lavura denton era cun cotgla, culli, gep e fotograms. Biars da ses maletgs s'avischinan sapientivamein al



surrealissem. El gioga cun colurs e fuormas vivas. Cheutras provochescha, mo era calma el il contemplader. Magari schai el pli pign detagl in stèl expressivissem. Quei ei ina dallas grondas fermezas da sias ovras en cumpleina expressiun. La vernissascha dallas nov lavurs da Sandro Duque exponidas el Bistro a Glion ha giu liug la dumengia sera en preschientscha da rodund 30 amitgs, enconuschents e hosps. Las ovras ein da veser leu entochen ils 30 da zercladur 2009.

**Sandro Duque expona il mument ses maletgs el Bistro a Glion.** FOTOS MAD



Ina dallas lavurs dil giuven artist.